

Posjeta striparnici Agarthi comics

Dana 11.04.2018. godine posjetili smo jedinu striparnicu na teritoriji Bosne i Hercegovine. Posjeta je trajala od 09:00h do 10:30h. Učenici IIIb i IIIc koji su predstavnici svojih sektora u preduzećima za vježbu Liber d.o.o., Stripex YU d.o.o., InDec off i Letmarx zajedno sa profesoricom Hrbat Lamijom i Hadžić Naidom bili su gosti direktora kompanije Agarthi comics, Šehalić Almira.

Građani u Bosni i Hercegovini nemaju tendenciju čitanja stripova, ali kroz ugodnu priču sa gospodinom Šehalićem saznali smo da rade stripove najviše za hrvatsko tržište.

U prostorijama firme upoznali smo kako posluje jedna realna kompanija, mnoge stvari koje su nam objašnjene i pokazane, bile su nam već od prije poznate.

Prilikom posjete direktor striparnice nam je ljubazno objasnio kako da poboljšamo rad naših preduzeća, te šta je sve potrebno za formiranje cijene. Nakon ugodnog razgovora sa direktorom kompanije imali smo priliku da pogledamo koje stripove imaju u ponudi. Saznali smo i pravne barijere prilikom otvaranje jednog preduzeća u Bosni i Hercegovini. Direktor nam je ispričao svoju interesantnu životnu priču, kako je došao na ideju o otvaranju striparnice, te kroz tu priču naučili smo da u životu trebamo pratiti svoje snove.